



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

10. Dies Maii. O quanti Veritatem quærunt non in veritate: quæsitam
inveniunt non ad veritatem, sed ad vanitatem.

urn:nbn:de:hbz:466:1-45477

10. DIES MAII.

Quantum Veritatem quærunt non in veritate : quæsitam inveniunt non ad veritatem, sed ad vanitatem. *Richardus de S. Etore serm.*

Curiositas in noxiis scientiis.

I. **D**io genes morum, nescias acrior Censor, an eruditior Præceptor, tria hominum genera carpere solebat & curiositatis scientiæ arguere, Historicos, Musicos, Astrologos. Hos tres, ternis his punctis pungemus, ut inanem scientiis comparandis curiositatem castigemus. Carpendi Historici: arguendi sunt, quod inquirunt studiosè, quid ubique terrarum olim est gestum, modò geratur in orbe, ignari quid agatur in corde. Quid inde fructus, scire quomodo Jupiter duxerit uxorem, quæ fuerit patria Homeri, de Æneæ matre vera, an Sappho publica fuerit, & alia quæ erant discenda si scires? Quid stultius quàm sagaciter rimari quid agatur apud Garamantas, & Indos, & neglegere quid agatur intra nostra præcordia, & fibris habes cujusque Regni & Republicæ statum exploratum, & non consideras animi statum deploratum. Non nocebit ista transire, quæ non proderit scire. Fies, ubi omnes fastos, & annales cognoveris scietior, non melior. Non opus est volutare historicos, & volvere historicos, ut quid tibi sit faciendum bene, aut declinandum mali, intelligas. Quidquid melius

Majus

Majus.

Tessera.

355

meliores, beatosque facturum est, Deus aut aperto, aut in proximo posuit.

II. Musicos carpebat Diogenes, quòd cum citharæ fides artificiosissimè contemperarent, & in suavissimam aptarent harmoniam, animæ tamen suæ facultatibus tam malè moderarentur, moribusque inconcinnis essent, ac dissonis; cumque in hominùm auribus demulcendis, tantum operæ, ac laboris ponerent, in mente sua componenda, pravisque ejus motibus sedandis, essent tam socordes. Musica monstrat tibi qui sint modi flebiles? monstrat potiùs quomodo inter diversa non emittas flebilem vocem. Utilius discas modum ex dolore pulsandi corda, quàm chordas. Satius est comprehendere benè unum punctum Fidei, quàm esse gnarum ludendi fidibus. Sæpè infringuntur virtutum nervi, cithararum, dum mollia canuntur, nervis. Nam impudiciæ aditus aperitur, dum hic agili plectro rinnientis testudinis sonos expedit, ille docili digito laborantis organi blandimento componit. Undè facilè dum suavi voce mulcetur auditus, ad turpe facinus invitatur aspectus. Nemo igitur insidiosis cantibus, & flexanimis modulationibus credet, quæ cum oblectant, sæviunt, cum blandiuntur, occidunt. Quapropter quid confert musica quæ nec ignoranti nocet, nec scientem juvat: si tanta tibi canendi est libido, hîc potiùs præficarum instar, flebili lessu, cane in valle lachrymarum velut exul funebria epicedia, ut postea in cælis, velut victor, canas jucunda epinicia.

III. Sequitur tandem Astrologus: hunc infimulabat Diogenes vesaniæ, quod sui oblitus inter fidei ravagaretur, totusque sphaerarum, ac globorum

Z 2

cœle-

coelestium ordini, proportioni ac numero intensus virtutes quæ fulgore, & radiis stellas omnes multo gradibus excedunt, pulcherrimamque in anima harmoniam efficiunt, negligeret. Quid referet me scire ut sollicitus sim: cum Saturnus, & Mars contrarium constabunt? aut cum Mercurius vespertinum faciem occasum vidente Saturno? potius quam ut hoc diuicam, ubicumque ista sint, ut sim semper inter dissimilia mei similis. Conducat magis ad salutem, caveat ne sol occidat supra meam iracundiam, quam inuestigare solis eclipticam. Suspicio illam Astrologiam, quæ eò me deducit, ut cælum contemplatus excolam mem: *Quàm sordet mihi terra, dum cælum aspicio.* Scitè Demonax, cum quidam inquireret, an mundus esset animatus? & rursus, an globosus? Vos, inquit, de mundo solliciti estis; & vestram ipsorum immunditiam non curatis. Sic multii impensius sunt solliciti ut aspiciant stellas, quam ut fulgeant quasi stellæ in perpetuas æternitates: & ut intelligant labores, & defectiones mutabilis lunæ, quam ut ipsi stulti non mutantur ut luna; & ut in cælo percipiant planetam Veneris, quam ut extinguant in se ignem Veneris. Stude potius animum excolere virtutibus, quam inhærere aspiciendis sideribus.

Virtute excultus, tolles ad sidera vultus.

II. DIES MAJI.

Superbia etiam in rectè factis cavenda, ne homo dum quod Dei est, deputat suum, amittat quod Dei est, & redeat ad suum.

S. August. de Nat. & Grat. cap. 32.

I, Nura

(A)